

LA ILAHA ILLALLAH AAMANNA BI RASOOLILLAH

La Maujooda illallah
 La Mash-hooda illallah
 La Maqsooda illallah
 La Ma'booda illallah
 La ilaha illallah Aamanna bi Rasoolillah

Hai Maujood e haqeeqi wo
 Hai Mash-hood e haqeeqi wo
 Hai Maqsood e haqeeqi wo
 Ma'bood Haq o haqeeqi wo
 La ilaha illallah Aamanna bi Rasoolillah

Antal Haadi Antal Haq
 Rang e baatil is se faq
 Qalb e mubtil sun kar shaq
 Qalb e muslim ki raunaq
 La ilaha illallah Aamanna bi Rasoolillah

Bun ko banaya hai us ne
 Bun ko jamaya hai us ne
 Bun ko ugaya hai us ne
 Baag khilaya hai us ne
 La ilaha illallah Aamanna bi Rasoolillah

Allah waahid o yakta hai
 Ek khuda bas tanha hai
 Koi na us ka hamta hai
 Ek hi sab ki sunta hai
 La ilaha illallah Aamanna bi Rasoolillah

Sota peeta khaata nahiñ
 Us ka rishta naata nahiñ
 Us ke pita aur maata nahiñ
 Us ke joru jaata nahiñ
 La ilaha illallah Aamanna bi Rasoolillah

Hai wo zamaan o jehaat se paak
 Wo hai Zameem e sifat se paak
 Wo saare muhaalaat se paak
 Wo hai sab haalaat se paak
 La ilaha illallah Aamanna bi Rasoolillah

Maiñ hooñ banda wo maula
 Kaun hai apna us ke siwa
 Maiñ hooñ us ka wo hai mera
 Jis ne banaya aur paala
 La ilaha illallah Aamanna bi Rasoolillah

Noor meiñ wo hai nazar meiñ wo
 Shams meiñ wo hai qamar meiñ wo
 Abr meiñ wo hai guhar meiñ wo
 Koh meiñ wo hai hajar meiñ wo
 La ilaha illallah Aamanna bi Rasoolillah

Bulbul tooti parwana
 Har ek us ka deewana
 Qumri kis ka mastana
 Kaun chakor ka janana
 La ilaha illallah Aamanna bi Rasoolillah

Maula dil ka zang chhuda
 Qalb e **NOORI** paaye jila
 Dil ko kar de aaina
 Jis meiñ chamke ye kalma
 La ilaha illallah Aamanna bi Rasoolillah

MAQBOOL DUA KARNA

Maqbool dua karna manzoor sana karna
 Midhat ka sila dena Maqbool dua karna

Dil Zikr shareef un ka har Sub-ho masaa karna
 Din raat japaa karna har aan rataa karna

Seena pe qadam rakhna dil shaad mera karna
 Dard e dil e muztar ki sarkaar dawaa karna

Sansaar bhikaari hai jag daata dayaa karna
 Hai kaam tumhara hi sarkaar ataa karna

Din raat hai taiba meiñ daulat ka luta karna
 Mangta ki dawaa karna mangta ka bhalaa karna

Din raat khataoñ par hum ko hai khataa karna
 Aur tum ko ataañ par har dum hai ataa karna

Hum apni khataoñ par naadim bhi nahiñ hote
 Aur un ko ataañ par har baar ataa karna

Mehroom gaya koi Maayoos phira koi
 dekha na suna unka Inkaar o Ibaa karna

Dukh dard kaheñ kis se ye kaam to haiñ unke
 Fariyaad suna karna aur daad diya karna

Wallaah wo sun lenge aur dil ki dawaa denge
 Bekaar na jayega fariyaad o bukaa karna

Aa'da ko khuda wala jab tum ne bana dala
 Dushwaar hai tum par kya mujh bad ka bhalaa karna

Sookhi hai meri kheti pad jaaye bharan teri
 Aye abr e karam itna to behr e Khuda karna

Taiba meiñ bula lena aur apna bana lena
 Qaidi gam e furqat ke Sarkaar riha karna

Lillaah hameñ maula daaman ke taley lelo
 Hum kaisi balaa meiñ haiñ haañ radde balaa karna

Duniya bane ya bigde duniya rahe ya jaaye
 Tu deen banaa pyaare duniya ka hai kya karna

Khaaya piya aur pehna achchhoñ se raha achha
 Kuchh deen ka bhi karle duniya ka hai kya karna

Barbaad na ho mitti is khaak ke putle ki
Allah mujhe un ki khaak e kafe pa karna

Kyuñ naqshe kafe paa ko dil se na lagaaye wo
Hai aaina e dil ki **NOORI** ko jila karna

BAKHT E KHUFTA NE MUJHE

Bakht e khufta ne mujhe rauza pe jaane na diya
Chashm o dil seene kaleje se lagaane na diya

Aah qismat mujhe duniya ke gamoñ ne roka
Haaye taqdeer ke taiba mujhe jaane na diya

Paoñ thak jaate agar paoñ banaata sar ko
Sar ke bal jaata magar zoaf ne jaane na diya

Sar to sar jaan se jaane ki mujhe hasrat hai
Maut ne haaye mujhe jaan se jaane na diya

Sajda karta jo mujhe is ki ijaazat hoti
Kya karooñ izn mujhe is ka khuda ne na diya

Sharbat e deed ne aur aag lagaadi dil mein
Tapish e dil ko badhaaya hai bujhaane na diya

Ab kahañ jaayega naqsha tera mere dil se
Teh mein rakha hai ise dil ne gumaa ne na diya

Nafs e badkaar ne dil par ye qayaamat todi
Amal e nek kiya bhi to chhupaane na diya

Mere A'amaal ka badla to jahannam hi tha
Maiñ to jaata mujhe sarkaar ne jaane na diya

Mere A'amaal e siyaah ne kiya jeena dobhar
Zaher khaata tere irshaad ne khaane na diya

Aur chamakti si gazal koi padho aye **NOORI**
Rang apna abhi jamne Sho'ara ne na diya

KAISE KAATOON RATIYAAÑ SABIR

Kaise kaatoon ratiyaañ Sabir

Taare ginat hoon saiyyaañ Sabir

Morey karajwa hook uthat hai

Moko lagaale chhatyaañ Sabir

Tori Suratiya pyaari pyaari

Achchhi Achchhi batiyaañ Sabir

Cheeri ko apne charnoñ lagaale

Main parooñ toreyy paiyyaañ Sabir

Dole nayya mori bhañwar mein

Balma pakde baiyyaañ Sabir

Chhatiyaañ laaguñ kaise kahooñ maiñ

Tum ho oonche atariyaañ Sabir

Torey dware sees nawaoñ

Teri le looñ balaiyyaañ Sabir

Sapne hi mein darshan dikhlado

Moko morey gusaiyyaañ Sabir

Tan man dhan sab tope waare

NOORI morey saiyyaañ Sabir

TUM PAR LAKHOÑ SALAM

Tum par Laakhoñ Salaam
Tum par Laakhoñ Salaam

Sab se a'ala izzat wale
Galba o qehr o taaqat wale
Hurmat wale karaamat wale
Tum par Laakhoñ Salaam
Tum par Laakhoñ Salaam

Aap ka chaaha Rab ka chaaha
Rab ka chaaha aap ka chaaha
Rab se aisi chaahat wale
Tum par Laakhoñ Salaam
Tum par Laakhoñ Salaam

Rab ke pyare raaj dulaare
Hum haiñ tumhare tum ho hamare
Aye daamaane rehmat wale
Tum par Laakhoñ Salaam
Tum par Laakhoñ Salaam

Raja parja aap ke dwaare
Sab hain baithe jholi pasaare
Daata pyaare daulat wale
Tum par Laakhoñ Salaam
Tum par Laakhoñ Salaam

Arshe ula par Rab ne bulaaya
Apna jalwa e khaas dikhaaya
Khalwat wale jalwat wale
Tum par Laakhoñ Salaam
Tum par Laakhoñ Salaam

Takht tumhara arsh khuda ka
Mulk e khuda hai mulk tumhara
Rab ki a'ala khilaafat wale
Tum par Laakhoñ Salaam
Tum par Laakhoñ Salaam

Tum ko dekha haq ko dekha
Aap ki soorat us ka jalwa
Aye Noorani soorat wale
Tum par Laakhoñ Salaam
Tum par Laakhoñ Salaam

Khwaab mein jalwa Apna dikhaao
NOORI ko Tum Noori banaao
Aye chamkeeli rangat wale
Tum par Laakhoñ Salaam
Tum par Laakhoñ Salaam

KHILA MERE DIL KI KALEE GAUS E AAZAM

Khila mere dil ki kalee Gaus e Aazam
Mita qalb ki be kalee Gaus e Aazam
Mere chaand maiñ sadqe aaja idhar bhi
Chamak utthe dil ki galee Gaus e Aazam

Tere Rab ne maalik kiya tere Jad ko
Tere ghar se duniya palee Gaus e Aazam

Woh hai kaun aisa nahiñ jis ne paaya
Tere dar pe duniya dhalee Gaus e Aazam

Kaha jis ne *Ya Gaus Agisni* to dum mein
Bar aayi museebat talee Gaus e Aazam

Meri rozi mujh ko ataa kar de Aaqa
Tere dar se duniya ne lee Gaus e Aazam

Na maangu maiñ tum se to phir kis se maanguñ
Kahiñ aur bhi hai chalee Gaus e Aazam

Sadaa gar yahañ maiñ na dooñ to kahañ dooñ
Koi aur bhi hai galee Gaus e Aazam

Jo qismat ho meri buri achhi karde
jo 'aadat ho bad kar bhalee Gaus e Aazam

Tera martaba 'aala kyuñ ho na maula
Tu hai ibne Maula Ali Gaus e Aazam

Qadam gardan e Auliya par hai tera
Hai tu Rab ka aisa walee Gaus e Aazam

Jo dubi thi kashti wo dum mein nikaali
Tujhe aisi qudrat milee Gaus e Aazam

Hamara bhi beda lagaado kinaare
Tumhein na khudaai milee Gaus e Aazam

Tabaahi se naav hamari bachaado
Hawaa e mukhalif chalee Gaus e Aazam

Fida tum pe ho jaaye **NOORI** e muztar
Ye hai us ki khwaahish dilee Gaus e Aazam

TAJALLI E NOOR E QIDAM

Tajalli e Noor e Qidam Gaus e Aazam
Ziyaa e Siraajuz Zulam Gaus e Aazam

Tera hil hai tera haram Gaus e Aazam
Arab tera tera ajam Gaus e Aazam

Karam aap ka hai a'am Gaus e Aazam
Inaat Tumhaari atam Gaus e Aazam

Mukhaalif ho go sau padam Gaus e Aazam
Hamein kuchh nahiñ is ka gam Gaus e Aazam

Chala aisi teg e dodum Gaus e Aazam
Ke a'ada ke sar hoñ qalam Gaus e Aazam

Wo ek waar ka bhi na hoga tumhare
Kahañ hai mukhaalif mein dum Gaus e Aazam

Tere hote hum par sitam dhaayen dushman
Sitam hai sitam hai sitam Gaus e Aazam

Badhe hausle dushmanon ke ghataa de
Zaraa lele teg e dodum Gaus e Aazam

Nahiñ laata khatre mein Shaahon ko shaaha
Tera banda e be diram Gaus e Aazam

Karam chaahiye tera, tere Khuda ka
Karam Gaus e Aazam karam Gaus e Aazam

Badhaa haath kar dastagiri hamari
Badhaa abre gam dum badum Gaus e Aazam

Khudaara zaraa haath seene pe rakhdo
Abhi mit-te haiñ gam alam Gaus e Aazam

Hai qismat meri tedhi Tum seedhi kardo
Nikal jaayen sab pech o kham Gaus e Aazam

Khabar lo hamaari ke hum haiñ tumhare
Karo hum pe fazl o karam Gaus e Aazam

Kuchh aisa gumaade Mohabbat mein apni
Ke khud keh uthoon maiñ manam Gaus e Aazam

Khuda rakhe tumko humare saron par
Hai bas ek tumhara hi dum Gaus e Aazam

Dum e naz'a sirhaane aajao pyaare
Tumhein dekh kar nikle dum Gaus e Aazam

Dum e naz'a aao ke dum aaye dum mein
Karo hum pe Yaaseen dum Gaus e Aazam

Yeh dil ye jigar hai ye aankhein ye sar hai
Jahaan chaaho rakho qadam Gaus e Aazam

Lagaalo mere sarko qadmon se apne
Tumhein sirre haq ki qasam Gaus e Aazam

Karam se kiya rehnuma rehzaan ko
Idhar bhi nigaahe karam Gaus e Aazam

Mere dum ko us ke dumon se bachaade
Karam kar karam kar Karam Gaus e Aazam

Na palla ho halka hamara na hum hon
Na bigde hamara bharam Gaus e Aazam

Hamari Khataaon se daftar bhare hain
Karam kar ke hon kal 'adam Gaus e Aazam

Tumhare karam ka hai **NOORI** bhi pyaasa
Miley yam se is ko bhi nam Gaus e Aazam

DO JAHAAÑ MEIÑ KOI TUM SA

Do jahaan mein koi tum sa doosra milta nahiñ
Dhoondhte phirte hain mehr o mah pata milta nahiñ

Jo Khuda deta hai milta hai isi Sarkaar se
Kuchh kisi ko haq se is dar ke siwa milta nahiñ

Kya ilaqa dushman e Mehboob ko Allah se
Be Raza e Mustafa hargiz Khuda milta nahiñ

Koi maange ya na maange milne ka dar hai yahi
Be Ataa e Mustafai Mudda'aa milta nahiñ

Hain safa e zaahiri ke saaz o saamaan khoob khoob
Jis ka baatin saaf ho wo baa safaa milta nahiñ

Bas yahi sarkaar hai jis se hamesha paayeñge
Dene waale dete hain kuchh din sadaa milta nahiñ

Dur Saahil Mauj Haa'il paar beda kijiye
Naav hai manjdhaar mein aur naakhuda milta nahiñ

Wasl e Maula chahte ho to waseela dhoond lo
Be waseela Najdiyo ! har giz khuda milta nahiñ

Hai riyakaaron ka shohra aur riyakaari ki dhoom
Boriya e Faqr bhi ab be riya milta nahiñ

Kis tarah ho haazir e dar **NOORI** e be par shaha
Naake roke dushmanon ne raasta milta nahiñ

YE KIS SHAHENSHEE WAALA

Ye kis shahenshaahe waala ki aamad aamad hai
Ye kaun se shahe baala ki aamad aamad hai

Ye aaj kya hai zamaane ne rang hai badla
Ye aaj kya hai ke aalam ka dhang hai badla

Rusul unhiñ ka to muzda sunaane aaye hain
Unhiñ ke aane ki khushiyaan manaane aaye hain

Farishte aaj jo dhumein machaane aaye hain
Unhiñ ke aane ki shaadi rachaane aaye hain

Falak ke hoor o malak geet gaane aaye hain
Ke do jahaan mein ye danke bajaane aaye hain

Ye seedha raasta haq ka bataane aaye hain
Ye haq ke bandoñ ko haq se milaane aaye hain

Ye bhoole bichhdon ko raste pe laane aaye hain
Ye bhoole bhatkon ko haadi banaane aaye hain

Khuda e paak ke jalwe dikhaane aaye hain
Dilon ko Noor ke buq'ae banaane aaye hain

Ye qaid o band e alam se chhudaane aaye hain
Lo muzda ho ke rihaayi dilaane aaye hain

Chamak se apni jahaan jagmagaane aaye haiñ
Mahek se apni ye kuche basaane aaye haiñ

Naseem-e-faiz se gunche khilaane aaye haiñ
Karam ki apni bahaarein dikhaane aaye haiñ

Yahi to sote huwoñ ko jagaane aaye haiñ
Yahi to rote huwoñ ko hañsaane aaye haiñ

Ye kufr o shirk ki niwein hilaane aaye haiñ
Ye shirk o kufr ki tameerein dhaane aaye haiñ

Hazaar saal ki Roshan shuda bujhi aatish
Ye kufr o shirk ki aatish bujhaane aaye haiñ

Inhein khuda ne kiya apne mulk ka maalik
Inhiñ ke qabze mein rab ke Khazaane aaye haiñ

Jo chaahenge jise chaahenge ye usey denge
Kareem haiñ ye khazaane lutaane aaye haiñ

Maseeh e paak ne ajsaam e murda zinda kiye
Ye jaane jaañ dil o jaañ ko jilaane aaye haiñ

Rauf aise haiñ ye aur raheem haiñ itne
Ke girte padtoñ ko seeney lagaane aaye haiñ

Sunoge Laa na zabaane kareem se **NOORI**
Ye faiz o jood ke dariya bahaane aaye haiñ

Hum apni hasrat-e-dil ko mitaane aaye haiñ
Hum apne dil ki lagi ko bujhaane aaye haiñ

Kareem haiñ wo nigaah karam se dekheinge
Hai daag daag dil apna dikhaane aaye haiñ

Naseeb tera chamak utha dekh to **NOORI**
Arab ke chaand lahed ke sirhaane aaye haiñ

JO KHWAAB MEIN KABHI

Jo khwaab mein kabhi aayein Huzoor Aankhon mein
Suroor dil mein ho paida to Noor Aankhon mein

Hata dein aap agar rukh se ek zara parda
Chamak na jaaye abhi barq toor Aankhon mein

Khuda hai tu na khuda se juda hai aye maula
Tere zuhoor se Rab ka zuhoor Aankhon mein

Huzoor aankhon mein aayein huzoor dil mein samaayein
Huzoor dil mein samaayein huzoor Aankhon mein

Hamari jaan se zyada qareeb ho hum se
Tumhein qareeb jo hum ko hai door Aankhon mein

Huwa hai khaatma Imaan par tera **NOORI**
Jabhi hain khuld ke hoor o qusoor Aankhon mein

KUCHH AISA KAR DE

Kuchh aisa kar de mere kirdigaar Aankhon mein
Hamesha naqsh rahe ru e yaar Aankhon mein

Na kaise ye gul o Gunche hon khwaar Aankhon mein
Basey huwe haiñ madeene ke khaar Aankhon mein

Wo noor de mere parwardigaar Aankhon mein
Ke jalwah gar rahe rukh ki bahaar Aankhon mein

Basar ke saath baseerat bhi khoob raushan ho
Lagaaun khaak e qadam baar baar Aankhon mein

Tumhare qadmon pe moti nisaar honey ko
Haiñ beshumaar meri ashkbaar Aankhon mein

Unhein na dekha to kis kaam ki haiñ ye Aankhein
Ke dekhne ki hai saari bahaar Aankhon mein

Nazar mein kaise samaayeñge phool jannat ke
Ke bas chuke haiñ Madine ke khaar Aañkhoñ mein

Ajab nahiñ ke likha loh ka nazar aaye
Jo naqsh e paa ka lagaauñ gubaar Aañkhoñ mein

Ye dum hamara koi dum ka aur mehmaan hai
Karam se lijiye dum bhar qaraar Aañkhoñ mein

Ye gul ye gunchey ye gulshan ke bel aur butey
Unhiñ ke dum ki hai saari bahaar Aañkhoñ mein

Ye dil tadap ke kaheen aañkhoñ mein na aajaye
Ke phir raha hai kisi ka mazaar Aañkhoñ mein

Karam ye mujh pe kiya hai mere tasawwur ne
Ke aaj kheençh di tasweer e yaar Aañkhoñ mein

Farishto poochhte ho mujh se kis ki ummat ho
Lo dekh lo ye hai tasweer e yaar Aañkhoñ mein

Ye kya sawaal hai mujh se ke kis ka banda hai
Maiñ jis ka banda hoon hai noor baar Aañkhoñ mein

Piya hai jaam e mohabbat jo aap ne **NOORI**
Hamesha us ka rahega khumaar Aañkhoñ mein

HABEEB E KHUDA KA NAZAARA

Habeeb e khuda ka nazaara karoon maiñ
Dil o jaan un par nisaara karoon maiñ

Teri kafsh e paa yuñ sañwaara karoon maiñ
Ke palkoñ se us ko buhaara karoon maiñ

Mujhe apni rehmat se tu apna karle
Siwa tere sab se kinaara karoon maiñ

Maiñ kyuñ gair ki thokarein khaane jauñ
Tere dar se apna guzaara karoon maiñ

Salaasil masaaib ke abru se kaato
Kahaan tak masaaib gawaara karoon maiñ

Khudaara ab aao ke dum hai laboñ par
Dum-e waapsi to nazaara karoon maiñ

Tere naam par sar ko qurbaan karke
Tere sar se sadqa utaara karoon maiñ

Ye ek jaan kya hai agar hoñ karoroñ
Tere naam par sab ko waara karoon maiñ

Mujhe haath aaye agar taaj e shaahi
Teri kafsh e pa par nisaara karoon maiñ

Tera zikr lab par khuda dil ke andar
Yuñhi zindagaani guzaara karoon maiñ

Dum e waapsi tak tere geet gaooñ
Muhammad Muhammad pukaara karoon maiñ

Tere dar ke hote kahaan jaoñ pyaare
Kahaan apna daaman pasaara karoon maiñ

Mera deen o imaan farishte jo poochhein
Tumhari hi jaanib ishaara karoon maiñ

Khuda aisi quwwat de mere qalam mein
Ke badmazhaboñ ko sudhaara karoon maiñ

Jo ho qalb sona to ye hai suhaga
Teri yaad se dil nikhaara karoon maiñ

Khuda ek par ho to ik par Muhammad
Agar qalb apna do paara karoon maiñ

Khuda khair se laaye wo din bhi **NOORI**
Madine ki galiyaañ buhaara karoon maiñ

SHAAHE WALA MUJHE TAIBA BULALO

Shaahe wala mujhe taiba bulalo
Taiba bulalo mujhe taiba bulalo
Devdhi ka apni kutta banalo
Qadmon se apne mujh ko lagalo

Sadqe mein sadqe mein sadqe bulalo
Furqat ke maare ko pyare jilalo
Pyare jilalo mujhe pyare jilalo
Maula Jilalo mujhe aqa jilalo

Duniya ke jhagdoñ se yaksar chhudaakar
Gairoñ ki ulfat ko dil se mitaakar
Shaahe wala mujhe apna banalo
Apna banalo mujhe apna banalo

Nekoñ ke sadqe meĩñ hum se badoñ ko
Zaaro nazaaro museebat zadoñ ko
Maula nibhaalo mere maula nibhalo
Haañ haañ nibhaalo mere maula nibhaalo

Hotey ho tum kyuñ maayoos o muztar
Kis waastey ho hairaan o shashdar
Dukh dard walo suno dukh dard walo
Taiba se har ek apni dawa lo

Ankhoñ meĩñ aao dil meĩñ samaao
 Parda uthao jalwa dikhao
 Hasrat zadaa ki pyare dua lo
 Hasrat nikalo meri hasrat nikalo

Dolat hai nayya mori bhañvar mein
Maula tirao aike najar mein
Mori khabariya morey piya lo
Moko bachalo piya moko bachalo

Taaib hoñ najdi aaib hoñ najdi
 Aur ye na ho to khaaib hoñ najdi
 Gaaib hoñ najdi maula nikalo
 Jaldi nikalo inheĩn jaldi nikalo

Ye **NOORI** muztar tera sanaagar
Aur is ka ghar bhar ho haazir-e-dar
Apne gadaagar ko dar par bulalo
Amn o amaan se hamein sarwar bulalo

KOI KYA JAANE JO TUM HO

Koi kya jaane jo tum ho Khuda hi jaane kya tum ho
Khuda to keh nahi sakte magar shaane Khuda tum ho

Nabiyon mein ho tum aise nabiyul ambiya tum ho
Hasanon mein tum aise ho ke Mehboob e Khuda tum ho

Tumhara husn aisa hai ke mehboob e khuda tum ho
Mahe kaamil kare kasb e ziya wo meh liqa tum ho

Tumhari hamd farmayi khuda ne apne qur'an mein
Muhammad aur Mumajjad Mustafa o Mujtaba tum ho

Khuda ne zaat ka apni tumheĩn mazhar banaya hai
Jo haq ko dekhna chaaheĩn to us ke aaina tum ho

Jahaan taareek thaa saara andhera hi andhera tha
Tum aaye zulmatein tum se miteen badrudduja tum ho

Mera muñh kya ke maiñ madho sataaish meiñ zubaañ kholuñ
Mere aaqa tum aise ke mamdoohe khuda tum ho

Shabe Me'araaj se aye sayyide kul ho gaya zaahir
Rusul haiñ muqtadi saare Imaamul Ambiya tum ho

Tumhare baad paida ho nabi koi nahiñ mumkin
Nubuwwat khatm hai tum par ke Khatmul Ambiya tum ho

Girafaa balaa haazir huwe haiñ toote dil lekar
Ke har bekal ki kal toote diloñ ka aasra tum ho

Khabar lije khudaara mere maula mujh se bekas ki
 Ke har bekas ke kas bebas ke bas roohi fida tum ho

Chamak jaaye dil e **NOORI** tumhare paak jalwoñ se
Mitaa do zulmateiñ dil ki mere Noorul Huda tum ho

TU SHAM'E RISAALAT HAI

Tu sham'e Risaalat hai aalam tera parwana
Tu maahe Nubuwwat hai aye jalwa e janana

Jo saaqi e kausar ke chehre se naqaab uthe
Har dil bane maikhaana har aañkh ho paimana

Dil apna chamak uthe imaan ki tal'at se
Kar aañkheñ bhi nooraani aye jalwa e janana

Sarshaar mujhe kar de ek jaam e labaalab se
Ta hashr rahe saaqi aabaad ye maikhaana

Is dar ki huzoori hi isyaañ ki dawaa thehri
Hai zehr e ma'aasi ka taiba hi shifakhaana

Har phool meñ boo teri har sham'a meñ zau teri
Bulbul hai tera bulbul parwana hai parwana

Peete haiñ tere dar ka khaate haiñ tere dar ka
Paani hai tera paani dana hai tera dana

Har aarzu bar aaye sab hasrateiñ poori hoñ
Wo kaan zaraa dhar kar sun leiñ mera afsana

Sang e darey jaanaañ par karta hooñ jabeeñ saayi
Sajda na samajh najdi sar deta hoon nazrana

Gir pad ke yahañ pahuncha mar mar ke ise paaya
Choote na Ilaahi ab sange darey janana

Sang e darey jaanaañ hai thokar na lage is ko
Le hosh pakad ab to aye lagzish e mastana

Wo kehte na kehte kuchh wo karte na karte kuchh
Aye kaash wo sun lete mujh se mere afsana

Aabaad isey farma veeraañ hai dil e **NOORI**
Jalwe tere bas jaayeñ aabaad ho veeraana

Sarkaar ke Jalwoñ se Roushan hai dil e **NOORI**
Ta hashr rahe roushan Noori ka ye Kashana

KARAM JO AAP KA

Karam jo aap ka aye sayyed e abraar ho jaaye
To har badkaar banda dum meñ nekokaar ho jaaye

Jo momin dekhe tum ko mehrame asraar ho jaaye
Jo kaafir dekh le tum ko to wo deendaar ho jaaye

Inaayat se mere sar par agar woh kafshe pa rakh deiñ
Ye Banda Taajdaaron ka bhi to sardaar ho jaaye

Talatum kaisa hi kuchh ho magar aye naakhuda e mann
Ishaara aap farmaadeiñ to beda paar ho jaaye

Tumhare faiz se laathi Misaal e Sham'a roushan ho
Jo tum lakdi ko chaaho tez tar talwaar ho jaaye

Gunaah kitne hi aur kaise hi haiñ par rehmat e aalam
Shafa'at aap farmaayeñ to beda paar ho jaaye

Bharam reh jaaye mehshar meñ na palla halka ho apna
Ilaahi! mere palle par Mera Gamkhwaar ho jaaye

Ishaara paaye to dooba huwa sooraj bar aamad ho
Uthe ungli to meh do balki do do chaar ho jaaye

Tumhare hukm ka baandha huwa suraj phire ulta
Jo tum chaaho ke shab din ho abhi sarkaar ho jaaye

Qawaafi aur mazaameñ achchhe achchhe haiñ abhi baaqi
Magar bas bhi karo **NOORI** na padhna baar ho jaaye

KAUN KEHTA HAI AAN̄KHEIÑ

Kaun kehta hai aan̄kheĩ churaakar chale
Kab kisi se nigaahẽĩ bachaakar chale

Kaun un se nigaahẽĩ ladaakar chale
Kis ki taaqat jo aan̄kheĩ milaakar chale

Wo haseẽĩ kya jo fitne uthaakar chale
Haaĩ haseẽĩ tum ho fitne mitaakar chale

Rab ke bandoĩ ko Rab se milaakar chale
Jalwa e haq wo hum ko dikhaakar chale

Koi maane na maane ye wo jaan le
Seedha rastaa wo sab ko bataakar chale

Jis ka saani huwa aur na hai aur na ho
Wo ataa kar chale wo sakhaa kar chale

Jism e pur noor ka yuĩ to saaya na tha
Aur patthar meĩĩ naqsha jamaakar chale

Daag e dil hum ne **NOORI** dikha hi diya
Dard e dil ka fasaana sunaakar chale

PAYAAM LEKE JO AAYI

Payaam leke jo aayi sabaa Madine se
Mareez e Ishq ki laai dawa Madine se

Suno to gaur se aayi sadaa Madeene se
Qareẽĩ hai Rehmat o fazle khuda Madine se

Miley hamare bhi dil ko jila Madine se
Ke mehro maah ne paayi ziyaa Madine se

Tumhari ek jhalak ne kiya ise dilkash
Farog husn ne paaya shaha Madine se

Bataade koi kisi aur se bhi kuchh paaya
Jise mila jo mila wo mila Madine se

Wo aaya khuld meĩĩ jo aagaya Madine meĩĩ
Gayaa wo khuld se jo chaldiya Madine se

Na chain paayega ye gamzada kisi soorat
Mareez e gam ko milegi shifaa Madine se

Lagaa dil ko na duniya meĩĩ har kisi shai se
Ta'aluq apna ho ka'abe se ya Madine se

Tere Habeeb ka pyaara chaman kiya barbaad
Ilaahi nikle ye najdi balaa Madine se

Tere Naseeb ka **NOORI** milega tujh ko bhi
Le aaye hissa ye shaaho gadaa Madine se

